



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTK 0022833 22

Sarajevo, 15.07.2025. godine

SUD BOSNE I HERCEGOVINE
SARAJEVO
Sudiji za prethodno saslušanje

Na osnovu člana 35. stav (2) tačka i), te člana 226. stav (1) i 227. Zakona o krivičnom postupku Bosne i Hercegovine (ZKP BiH), Tužilaštvo Bosne i Hercegovine, podiže:

OPTUŽNICU

Protiv:

Fahrudin Gačanović, zvan "Fahro", rođen 1979. godine u Sarajevu, državljanin BiH.

Što je:

1. U vremenskom periodu od 02.06.2020. godine do 19.06.2020. godine, u Bosni i Hercegovini, na području grada Istočno Sarajevo i Kantona Sarajevo, kao policijski službenik Državne agencije za istrage i zaštitu u činu stariji policajac, obavljajući poslove ... SIPA-e na osnovu rješenja Državne agencije za istrage i zaštitu broj:..., od "...", koji se dovodi u vezu sa izvršenjem krivičnog djela organizovanog kriminala na području BiH, preuzeo telefonski uređaj sa kriptovanom SKY aplikacijom pin koda: ..., radi ostvarivanja međusobne zaštićene komunikacije u kojoj je oslovljavan kao "...", dok je (...) u ovom periodu koristio telefonski aparat sa kriptovanom SKY aplikacijom koda ... sa kodnim imenom ..., pa se posredstvom (...) upoznao sa (...), a zbog pružanja informacija kojima raspolaže ... u vezi (...) koji je u tom periodu ... koristio telefonski uređaj sa SKY aplikacijom koda: ..., koristeći kodno ime ..., pri čemu je Fahrudin Gačanović kod (...) i (...) stvorio uvjerenje da ima viši službeni i uticajni položaj u SIPA-i u odnosu na stvarni, pa je tako komunicirajući putem tekstualnih i glasovnih - audio poruka posredstvom navedenih kriptovanih telefonskih uređaja, posredstvom (...) zahtijevao nagradu od (...), u vidu parfema ili drugog poklona, da koristeći svoj stvarni službeni položaj policijskog službenika i pretpostavljeni uticajni položaj u odnosu na koleginicu (...), koja je radila "{...}", posreduje da ona kao službena osoba ..., izvrši provjere u bazama podataka kojima je imala pristup, u vezi informacija koje su interesovale (...), odnosno da li je (...) predmet rada policijskih službenika SIPE i drugih policijskih agencija sa područja FBiH u tom periodu, pa je nakon toga (...) putem (...) kao posrednika u komunikaciji, saopštio da (...) u to vrijeme nije predmet istraživanja SIPA-e, a da će provjeriti za druge policijske agencije, da bi se potom dana 08.06.2020. godine

oko 17.30 sati, po njegovom zahtjevu i uputama, sastao sa “(…)” i “(…)” na lokaciji koju je on odredio i to na području naselja ..., opština ..., Sarajevo, u blizini njegovog mjesta stanovanja, a radi preuzimanja zahtijevane nagrade u vidu parfema, koji je tom prilikom i preuzeo od “(…)”, te dogovorio da će ubuduće pružati potrebne informacije “(…)” i da će ga “štititi” od drugih vršenja radnji policijskih službenika iz nadležnosti SIPA-e, da bi dana 19.06.2020.godine posredstvom komunikacije putem kriptovanih telefona sa SKY aplikacijom, preko “(…)” koji je dalje komunicirao sa “(…)”, od “(…)” tražio novac u iznosu od 1.000,00 KM mjesečno za ovaj vid usluga, što “(…)” nije mogao ispuniti tvrdeći, da u tom trenutku nema novca i da čeka isporuku opojne droge iz Holandije, te obećavajući da će mu platiti naknadno i da ga “(…)” – Fahrudin Gačanović sigurno neće štititi “*na veresiju*”, na koji način je Fahrudin Gačanović, posredstvom “(…)”, od “(…)” svjesno i htijući zahtijevao i primio poklon u vidu parfema, navodno za koleginicu “(…)”, da posreduje kod nje da mu pruži tražene informacije kojima kao službena osoba u SIPA- i ima pristup, a koji parfem je zadržao za sebe, te zahtijevao novac u iznosu od 1.000,00 KM na mjesečnom nivou za sebe, da koristeći svoj pretpostavljeni viši službeni položaj i uticaj od stvarnog u SIPA-i, dalje posreduje kod drugih kolega policijskih službenika u cilju zaštite “(…)” od službenih postupanja iz nadležnosti Državne agencije za istrage i zaštitu;

2. U vremenskom periodu od 09.08.2020.godine do 08.10.2020. godine, u Bosni i Hercegovini, na području grada Istočno Sarajevo i Kantona Sarajevo, kao policijski službenik Državne agencije za istrage i zaštitu u činu stariji policajac, obavljajući poslove ... na osnovu rješenja Državne agencije za istrage i zaštitu broj: od ...godine, a od godine - policijskog službenika ... SIPA-e na osnovu rješenja o internom premještanju broj: ... od ... godine, ostvarujući komunikaciju sa “(…)” neposredno ali i posredstvom „(…)“, tekstualnim i audio porukama putem aplikacija na mobilnom telefonu, pri čemu su “(…)” i “(…)” koji se dovode u vezu sa krivičnim djelima organizovanog kriminala i proizvodnje i stavljanja u promet opojne droge na području Kantona Sarajevo i šire, u međusobnoj komunikaciji koristili mobilne telefone sa kriptovanom SKY aplikacijom i to, “(…)” Sky ecc ..., kodno ime ..., a „(…)“ i „(…)“, Sky ecc ..., dok je Fahrudin Gačanović koji je u međusobnim komunikacijama oslovljavan kao “(…)”, prethodno kod “(…)” i “(…)” stvorio uvjerenje da ima viši službeni i uticajni položaj u Državnoj agenciji za istrage i zaštitu u odnosu na stvarni, pa je tako nakon što se po njegovim uputama, dana 10.08.2020.godine oko 17.30 sati sastao sa “(…)” u restoranu ..., istog dana u večernjim satima putem tekstualnih poruka preko posrednika u komunikaciji “(…)”, od “(…)” i njemu poznate osobe “(…)”, zahtijevao novčani iznos od po 1.000,00 Eura (jednu hiljadu eura), kako bi koristeći svoj stvarni položaj policijskog službenika i pretpostavljeni viši službeni položaj i uticaj od stvarnog u SIPA-i, posredovao kod drugih policijskih službenika SIPA-e i kod službenih osoba u Obavještajno sigurnosnoj agenciji BiH i Federalnoj upravi policije FBiH, u pravcu zaštite od postupanja navedenih agencija za provođenje zakona, odnosno ovlaštenih službenih osoba u istim, u smislu njihovog službenog nepostupanja protiv „(…)“ i osobe „(…)“ zbog nedozvoljene trgovine narkoticima, pri tome dajući upute u tekstualnim porukama da njih dvojica, „*moraju neko vrijeme sve stopirati, ni grama*“ dok „*ovo ne maknem od njih dvojice*“ i da detaljno počiste prostorije i „štek“ u kojima su držali „*robu*“, govoreći im da ih neko prijavljuje, kao i da će nastaviti sa svojim aktivnostima nakon što im on svojim uticajem i posredovanjem za novac, izdejsstvuje kod kolega da zaustave svoje službene radnje i „*sklone tragove*“, na što je „(…)“ pristao, pa je po Fahrudinovim instrukcijama dana 11.08.2020. godine oko 17.40h ostavio traženi iznos

od 1.000,00 Eura u restoranu “(...)” koji je Fahrudin potom preuzeo i zadržao za sebe, da bi zatim u večernjim satima istog dana oko 19.00 sati, Fahrudin tražio i da mu lice “(...)” da iznos od 1.000,00 Eura navodeći u tekstualnoj poruci da mu *“mora skinuti OSU sa leđa”* i *“Neka da prvu turu 1000 E, a poslije ide po dogovoru”*, na što je „(...)“ ponovo pristao šaljući mu fotografije novčanica u euro valuti pripremljenih za njega, a koji novac je ponovo po Fahrudinovim uputama, u navedenom iznosu u bijeloj koverti sa natpisom u rukopisu “(...)”, “(...)” ostavio u restoranu ... dana 13.08.2020. godine u 15.15 sati, a koji novac je Fahrudin potom svjesno i htijući uzeo i zadržao za sebe kao protivuslugu za prethodno obećane radnje, obavještavajući “(...)” da je odmah nakon toga održao sastanak sa službenicima OSE BiH i zaustavio daljnje postupanje iz njihove nadležnosti prema “(...)” i licu “(...)”, pri tome navodeći u tekstualnim komunikacijama da se *“već bilo zatalasalo”* i da će im on javiti kada mogu nastaviti sa “radom”, što je i učinio dana 22.08.2020. godine kada je poslao tekstualnu poruku da mogu da nastave sa vršenjem svojih nezakonitih aktivnosti ali da bude brzo i vikendima, nakon čega je od “(...)”, posredstvom komunikacije sa “(...)”, u vremenskom periodu od 04.09.2020.godine do 18.09.2020.godine, svjesno i htijući da zaprimi imovinsku korist od “(...)” u više navrata tražio novac u vidu mjesečne “plate” u neutvrđenom iznosu, za pružanje opisanog vida zaštite, tvrdeći da ga navodno *“stišću kolege iz FUP-a”*, a što je “(...)” izbjegavao govoreći da trenutno nema novca, pa je na upit “(...)” kako to ga *“iz SIPE “(...)” i “(...)” rade, a da on ne zna za to”* Fahrudin odgovorio da su to “njegovi ljudi” te da *“drži stvari pod kontrolom što se tiče njega i druga”*, pa nakon što mu “(...)” nije isplatio zahtijevanu “platu”, dana 08.10.2020. godine tražio da mu isplati novac u neutvrđenom iznosu za *“dva mjeseca koja kasni”* saopštavajući mu da nakon toga prekidaju dogovoreni oblik zaštite *“jer ne želi da ga ljudi prozivaju da je neozbiljan... zato što on ne može da održi svoju riječ, da bi bio održan u životu”*, čime je na prethodno opisani način i svrhu, zahtijevao i za sebe primio novac u ukupnom iznosu od najmanje 2.000,00 Eura;

3. U vremenskom periodu od 01.09.2020.godine do 07.03.2021. godine, u Bosni i Hercegovini, na području grada Istočno Sarajevo i Kantona Sarajevo, kao policijski službenik Državne agencije za istrage i zaštitu u činu stariji policajac, obavljajući poslove policijskog službenika ... na osnovu rješenja o internom premještanju broj: ... od ... godine, ostvarujući komunikaciju sa “(...)” posredstvom „(...)“ tekstualnim i audio porukama putem aplikacija za komunikaciju na mobilnom telefonu, pri čemu su “(...)” i “(...)”, koji se dovode u vezu sa krivičnim djelima organizovanog kriminala i proizvodnjom i stavljanjem u promet opojne droge na širem području BiH, radi ostvarivanja međusobne zaštićene komunikacije koristili mobilne telefone sa kriptovanom SKY aplikacijom, i to “(...)” SKY pin koda:..., kodno ime „(...)“, a „(...)“, nadimaka „(...)“ i „(...)“, SKY pin kod ..., kodno ime „(...)“, dok je Fahrudin Gačanović u međusobnim komunikacijama oslovljavan kao “(...)”, pri čemu je Fahrudin prethodno kod “(...)” i “(...)” stvorio uvjerenje da ima viši službeni kao i uticajni položaj u Državnoj agenciji za istrage i zaštitu u odnosu na stvarni, pa je tako dana 01.09.2020. godine, svjesno i htijući da zaprimi imovinsku korist za sebe, posredstvom “(...)”, od “(...)” zahtijevao novčani iznos od 500,00 Eura (petstotina eura), za sebe i drugu “(...)” službenu osobu u SIPA-i, kako bi koristeći svoj stvarni položaj policijskog službenika i pretpostavljeni viši službeni položaj i uticaj od stvarnog u SIPA-i, posredovao kod drugog njemu poznatog policijskog službenika SIPA-e za pribavljanje informacija kojim raspolaže Državna agencija za istrage i zaštitu u vezi “(...)” i “(...)”, te zahtijevao iznos od 1.000,00 (jedna hiljada) Eura na mjesečnom nivou, kako bi posredovao kod drugih ovlaštenih službenih osoba u navedenoj policijskoj agenciji, u pravcu

zaštite od postupanja, odnosno nepostupanja službenih osoba SIPA-e protiv „(...)“ zbog vršenja krivičnih djela sa kojima se dovodi u vezu, pri tome dajući i informacije koje je navodno pribavio na opisani način, da SIPA ne provodi radnje protiv „(...)“ i „(...)“ u tom trenutku, nakon čega je „(...)“ posredstvom „(...)“, dana 02.09.2020.godine Fahrudinu Gačanoviću dao iznos od zahtijevanih 500,00 Eura, koji je isti primio i zadržao za sebe, da bi dana 14.10.2020. godine od „(...)“ posredstvom „(...)“ tražio „mjesečnu platu“, nakon čega mu je „(...)“ putem „(...)“ poslao dogovoreni iznos od 1.000,00 Eura, koje je Fahrudin Gačanović dana 05.11.2020. godine preuzeo i zadržao za sebe, uzimajući tako novac za obećani vid usluga pružanja informacija i zaštite kroz posredovanje kod službenih osoba Državne agencije za istrage i zaštitu da nepoduzimaju službene radnje protiv „(...)“, da bi potom, dana 17.12.2020. godine „(...)“ ostvarujući komunikaciju sa „(...)“, koji se dovodi u vezu sa izvršenjem gore navedenih krivičnih djela i koji je koristio je mobilni telefon sa Sky ecc pin koda ..., obavijestio istog da je uhapšeno lice „(...)“ koji se nalazi u pritvoru u Državnom zatvoru u Vojkovićima i da on kod njega ima „45 kila“ od „tih 450 kila robe kod njega“, a da će se raspitati o detaljima kod svog čovjeka iz SIPA-e misleći na Fahrudina Gačanovića, nakon čega je posredstvom „(...)“ i „(...)“, koji je u komunikaciji koristio mobilne telefone sa kriptovanim Sky aplikacijom, pin koda ... i pin koda ..., sa kodnim imenom „(...)“, dana 18.12.2020. godine dao Fahrudinu novac u neutvrđenom iznosu, da bi dana 21.12.2020. godine u komunikaciji tekstualnim porukama od Fahrudina Gačanovića tražio informaciju da li od strane SIPA-e slijedi „akcija povodom ovog dešavanja, pitaju me drugari“ nakon čega mu je Fahrudin odgovorio „Neće biti akcije, valja to istražiti, a mi smo tu da to usmjerimo na drugu stranu. Ne brini“, da bi nadalje, nakon što je „(...)“, koji je koristio mobilni telefon sa kriptovanom aplikacijom Sky pin koda ..., dana 24.02.2021. godine kontaktirao porukama sa „(...)“ tražeći od njega da mu provjeri „kod svog špijuna“ da li su lica koja su u to vrijeme bila lišena slobode od strane SIPA-e zbog prodaje opojne droge, i to „(...)“ iz ... i „(...)“ iz ..., davali izjave u kojima spominju „(...)“, pa nakon što je „(...)“ pristao, posredstvom „(...)“, dana 01.03.2021. godine je ostvario kontakt sa Fahrudinom Gačanovićem navedenim povodom, pa je Gačanović prenio informaciju da je navodno „(...)“ dao izjavu u SIPA-i u kojoj je kompromitovao „(...)“ i da ga sada „rade“ i da „(...)“ treba „povući ručnu“ o čemu je „(...)“ obavijestio „(...)“, da bi „(...)“ tražio od Fahrudina da pokuša „spasiti“ „(...)“ od daljnjih postupanja službenika SIPA-e na što je Fahrudin pristao, te dana 03.03.2021. godine govoreći u glasovnim u porukama „(...)“ da će „upregnuti svim silama,“ .. biti će teško ali nešto mogu uraditi“ i „Pokušat ću da ga operem što više mogu“, pri čemu je u tekstualnim porukama istog dana, posredstvom komunikacije sa „(...)“ i „(...)“, od „(...)“ zahtijevao iznos novca od ukupno 1.000,00 (jedna hiljada) Eura, da koristeći svoj stvarni i pretpostavljeni viši službeni položaj i uticaj policijskog službenika u SIPA-i, posreduje kod dvojice neimenovanih kolega policijskih službenika koji u SIPA-i rade na konkretnom predmetu, da poduzmu službene radnje kojima će se izbjeći krivična odgovornost „(...)“ i kako se navodi „pobiti izjava“ koja ga kompromituje, za što je tražio novac od 500,00 (pet stotina) Eura „po glavi“, odnosno po policijskom službeniku SIPA-e, a u stvarnosti zahtijevajući navedeni iznos novca za sebe, nakon čega je 06.03.2021.godine od „(...)“ preuzeo dio od zahtjevanog iznosa novca u iznosu od 500,00 Eura koji je zadržao za sebe, pri čemu je u komunicirajući u porukama naveo da je „Dosta toga završio“ i da će „riješiti „(...)“ problem“, te je nakon toga, dana 16.02.2021. godine, na prethodni upit „(...)“, koji je koristio mobilni telefon sa kriptovanom SKY aplikacijom pin koda: ..., a posredstvom „(...)“ i „(...)“, koji je tražio informaciju „Da li rade „(...)““ „Nešto vezano za drogu“ i da li ga je „neko ošpijao“, pristao da provjeri navedeno, pa se dana 17.02.2021. godine se sastao sa „(...)“,

kojom prilikom je mu je „(...)“ prema ustaljenom dogovoru predao neutvrđen iznos novca, kojom prilikom je Fahrudin zahtijevao neutvrđen iznos novca da posreduje kod neimenovanih kolega, policijskih službenika SIPA-e, koji su navodno sačinili određenu službenu zabilješku u vezi „(...)“, da „*mu se to skloni*“, što je „(...)“ prenio „(...)“ istog dana putem tekstualnih poruka, čime je u više navrata, na prethodno opisani način i svrhu, zahtijevao i za sebe primio novac u ukupnom iznosu od najmanje 2.000,00 Eura.

Dakle, posredno i neposredno zahtijevao, prihvatio i zaprimio nagradu i novčanu korist, za sebe i drugoga, da korištenjem svog stvarnog i pretpostavljenog službenog i uticajnog položaja, posreduje da službeno lice u institucijama Bosne i Hercegovine izvrši i ne izvrši službenu radnju.

Čime je počinio krivično djelo „Primanje nagrade ili drugog oblika koristi za trgovinu uticajem“ iz člana 219. stav (1) Krivičnog zakona Bosne i Hercegovine, u vezi sa članom 54. istog Zakona.

TUŽILAC TUŽILAŠTVA BiH